

Dat gifft noch en anner Brixen

Annerlesdens bün ik fraagt worden, wat ik van de Welt al all so sehn hebb. Mit de Fraag harr ik so gaar neet rekent! Ik hebb ja nu so lang neet up Reisen west: Corona, lüttje Kinner, Umzug na dat Festland hen. Froher hebb ik hier ok al maal schreven, dat een ja neet alltied so wied wegfahren mutt. Dat seh ik vandaag ok noch netso, man ik hebb ok weer Lust, en bietje wat van de Welt to sehn.

In Europa bün ik al enigermaßen good rumkomen. En Settje muss ik denn aver doch överleggen. In de Ogenblick, as de Fraag kwamm, hebb ik seker neet futt all Lannen binannerkregen. Infallen sünd mi: Dänemark, Nederland, Belgien, Luxembörg, Frankriek, Österriek, Swiez, Spanien, Polen, England, Schottland, Island. Dat is al en hele Bült. Ok in de USA un in Mexiko hebb ik al maal west. Mi hett dat ok överall good toseggt.

In Europa mag ik van de Landskupp her besünners de Swiez un Island, daar much ik ok gern maal weer henfahren. Ies, Sneei, Bergen, vööl Water, Gletschers! Ok Luxembörg is en Reis weert. Dat Land hett kien 650.000 Inwohners un is ok wiss lüttjet. Man Luxembörg mien sien Hauptstadt Luxembörg hett düdelk mehr to beden as blot Banken un Versekerns.

Geern much ik ok maal dat Baltikum sehn! Estland, Lettland, Litauen. Un de Minsken van daar kennenlehren. In Hambörg hebb ik bi en Professorske studeert, de van Estland kwamm un



Antje Lübben gehört zum Team der Autoren, die diese Kolumne schreiben.

KOLUMNE

Moin, Moin
Schrievers Sprak
allerbest Pläseer Smüstern
moje hoop
Vertellsel

Platt maakt

in Sweden grootworden is. Se hett alltied so wunnerbaar vertellt.

Ik bün neeisgierig up anner Lannen, anner Kulturen un ok up de Lannesnatur daar! Klar stahn Sweden, Norwegen un Finnland ok up mien List! Man ok Italien un Portugal much ik gern maal sehn. Mien Mann kunn dat haast neet glöven, dat ik noch nooit in Italien west hebb. Vör Jahren hebb ik hum vertellt, dat ik as Kind in Brixen was. So hett he seker docht, dat ik dat Brixen in Südtirol mit sien ruugweg 22.000 Inwohners meen. Südtirol höört ja to Italien. Man nee, ik hebb domaals mit mien Familie neet in dat Brixen west. Dat gifft noch en anner Brixen. In Tirol. Dit lüttje Brixen heet Brixen im Thale, höört to Österriek un hett good 2500 Inwohners. Daar much ik ok maal gern weer hen – un van daar denn na Italien!